

eius partes tenet, et eo adhuc vivo librum scripsisse videtur, a pluribus, inquit, commonitus, ut rescriberet varia fata episcopi, qui procellis litis inter imperatorem et papam actae agitatus, episcopatu depositus, ad minores dignitates rediit, et his contentus iterum oblatum episcopatum refutavit. Quae de ipsius morte referuntur post addita videntur, sive ab eodem sive ab altero scriptore, qui versus paullum diversos fecit.

197 Ad pedestrem vero orationem rediit, qui de Odone episcopo, Galceri adversario, retulit, breviter quidem, ita ut paucas tantum pagulas expleret, et vitam viri de litteris bene meriti in Tornacensi s. Martini coenobio ante actam, quam magnis laudibus Herimannus Tornacensis extulit, vix verbo tangeret, sed eius 10 causae addictus, de Galcero satis acerbè iudicans. Sane quae tunc in Cameracensi ecclesia oppositae erant factiones etiam historiam sibi vendicarunt, nunc vero earum foetus in hoc codice pacifice sunt¹ coniuncti.

17 Burchardi episcopi duae exstant vitae, altera pedestri sermone, altera iterum aersibus conscripta. Re vero accuratius considerata haec nihil fere est quam 15 prioris caput primum in versus redactum paucis tantum accuratius expositis, quod ab ipso auctore factum esse, idem verborum usus comprobat. Quare non amasse etiam longiora narratio priori vitae insinuat.

10 saec. XI. usque ad medium saec. XII. pertinent

Is, olim monasterii Altimontensis, deinde collegii Iesu Ant. bibliothecae Parisiensi illatus, novae acquis. nr. 264, membr. saec. XII. ex.